

Jesus de Marchena ta na Brazil pa representa Aruba den Weganan Parolimpico



ORANJESTAD – Diahuebs e atleta **Jesus de Marchena** a biaha pa Rio pa asina competi den **Weganan Parolimpico**. Hunto cu **Jesus** a bay su coach y **Presidente di Paralympics Aruba**, **Sra. Shardea Croes**.

Desde aña pasa november **Jesus** a cuminsa train pa por competi despues cu **Aruba** a haya un wild card. Esaki ta algo historico pa **Aruba**, ya cu pa prome biaha lo tin un atleta cu lo participa den **Weganan Parolimpico**. **Jesus** ta na **Brazil** caba hunto cu su coach y **Shardea**. Pa **Jesus** esaki ta un oportunidad unico, ya cu e nunca a pensa cu un dia e lo haya chens di representa **Aruba** den exterior. **Jesus** ta spera cu e por haci un bon trabou y por representa **Aruba** dignamente na **Brazil**. Prome cu el a biaha, **Jesus** a haya e oportunidad di pasa cerca **Gobernador Refunhol**. Durante e bishita aki,

Jesus a duna **Gobernador** un pin di **Comite Paralympic**. Pa por a yega asina leu, seis biaha pa siman el a percura pa train y prepara su mes bon pa competi. E sa cu no ta facil pasobra e otro atletanan ta train pa añanan caba, pero esey no ta stroba su persona pa competi cu tur loke e tin. Otro siman dia 7 te cu 18 di september **Jesus** lo ta com-

petiendo den **Weganan Parolimpico**. Como cu **Jesus** ta e unico atleta cu lo competi den **Weganan Parolimpico**, e lo ta e flag bearer, pero e bandera di **Aruba** lo ta pega na su rolstoel. **Jesus** tambe lo ta bisti cu e mesun trahe cu e otro shete atleta a luci durante e **Weganan Olimpico** luna pasa. Exito na **Jesus** durante su competencia. □

